



Director di INSAM Joel Rajnherc: Pa 2013 no lo cobra servicio di ambulance

DESPUES di basta reunion entre SAC y INSAM a yega na palabracion pa 2013 cu no lo bay cobra servicio di ambulance, sigun directeur di INSAM Joel Rajnherc. Na e momentonan aki tin 7 ambulance den bon funcion cu a caba di haya e serviccionan necesario. Ta bus-

cando financiamento ainda pa e dos ambulancenan cu falta.

Pa loke ta e temporada di Carnaval, dr Rajnherc a splica cu a sinta cu SAC y lo laga e situacion manera cu semper e tabata ta, pero na 2014 lo cuminsa cu e cambionan. E presupuesto

pa 2013 ta uno krap y mester adapta na e situacion aki. P'esey a palabra cu SAC cu mester cobra pa cierto serviccionan.

Lo cobra solamente e parti di overtime, pues tur otro servicio ta keda normal ya cu eseynan ta presupuesta.

MEP: Aruba mas insegur cu nunca Hortamento di klapchi na gran cantidad

AÑA 2012 tabata e aña di mas insegur den historia di nos pais Aruba. Un promedio di 17 auto ta wordo horta tur dia. Un promedio di 10 atraco ta tuma lugar pa siman, ultimadamente estilo pelicula cu arma pisa. Nos a conose 7 caso di asesinato masha straño mes y den mayoria di nan no tin ningun pista. Pa colmo, na fin di aña nos a sera conoci cu un otro fenomeno: hortamento di klapchi y vuurwerk na grandi. Riba e ultimo dia di aña, bendedornan a yega y haya dos container pluma y tur e klapchi y vuurwerk a despaze. Un di e containernan

ey so a perde mas di 100 mil florin na klapchi.

Un preocupacion grandi cu ta biba bou di nos comunidad ta unda e klapchi y vuurwerk aki a bai. Unda e ladronnan aki a warda esaki? Nan a gastanan caba of nan tin nan scondi un caminda na nan cas? Y si abo ta nan bisña, bo sa kico ta pasa si tin un candela na e cas ey? Mescos cu a pasa algun siman pasa na Curacao caminda varios cas a kima, y caminda 4 hende a perde nan bida, abo sa si bo tin e riesgo ey?

E pregunta cu tur hende ta haci nan mes ta unda nos ta bai cu tur esaki. Pero mas indigna hendenan ta ora nan ta puntra nan mes kico mas mester pasa pa e gobierno aki lanta for di soño y cuminsa traha pa haci Aruba mas sigur. Gobierno di MEP tabata tin criminalidad bou di control. Gobierno di MEP a inverti den Cuerpo Policial, den Radar, den Warda nos Costa. Gobierno di AVP a yega y a para tur cos. Gobierno di AVP literalmente a pone un paro na combatimento di criminalidad. Pero mas tristo ta cu ainda nan no a cuminsa cu ningun esfuerso pa combati criminalidad. Cuerpo Policial ta sclama pa mas material y personal pa por combati criminalidad. Nan ta sclama pa un maneho cu e Minister actual di Husticia

Arthur Dowers ainda no kier duna. Miembronan di Cuerpo Policial ta haci esfuersonan sobrehumano pa combati criminalidad, y pa esaki nan merece un elogio grandi. Pero sin un maneho concreto, sin material y sin personal, nan tampoco por atende cu tur e criminalnan cu ta cana rond na Aruba.

Ta tempo pa nos conclui cu Minister Arthur Dowers a faya! Minister Dowers a faya pasobra e no tin seguridad di nos pais na pecho. Minister Dowers a faya pasobra mientras e ta morto na soño, criminalnan ta kibrando den tur cas y negoshi na Aruba. Minister Dowers a faya, pasobra den su sed pa vengansa y persecucion politico contra tur loke ta MEP, el a lubida pakico pueblo a pone eynan. Minister Dowers a faya pasobra como Minister di Husticia, e ta esun cu mas a desvia di reglanan di destaho publico pa e privilegia

su compinchinan, dunando asina e pio ehempel cu un Minister di Husticia por duna. Pa colmo, gastando asina mas di mey milyon florin na compinchinan en bes di inverti e placa aki den Cuerpo Policial.

Pero e culpable mas grandi ta Mike Eman, Prome Minister di nos pais. Pasobra un Prome Minister cu ta sera wowo y laga su pueblo wordo atraca y asalta, no por tin curason pa su pueblo. Un Prome Minister cu ta scohe pa biaha y fiesta, enbes di yuda su pueblo den inseguridad, no por ta un lider honesto. E conclusion principal ta cu e gobierno aki di AVP a kibra promesanan grandi di Campaña 2009, esta di combati criminalidad, y ta tempo pa e gobierno aki bai cas! Of acaso abo kier pa Minister Arthur Dowers bolbe haya e puesto di Minister di Husticia pa e siguiente 4 añanan?

ALL PROTECTION & SECURITY SERVICES
• Burglar & Fire Alarm Systems • Access Control Systems
• CCTV Systems • Patrol Services
TEL: 583 0955

24 HOUR MONITOR

SECURITY

